

PLANTÆ AMERICANÆ.

Sectio prima.

GENERA NOVA.

TRIANDRIA.

MONOGYNIA.

53. COMMELINA ? Wachendorfia *Authoris.*

Planta debilis, annua, digitali-spathamalls, glabra, simplex, interdum e basi ramosa.

Folia ovata s. ovato-lanceolata, basi cordata, sessilia, superiora in ramis sterilibus conferta & imbricata in rosam patentem; in fructificantibus vero omnia alterna, remota; basi vaginantia: vaginula integra striata.

Flores pauci 2-6, sessiles, ex axillis foliorum conferti, bracteolis spathulatis lineari-acutis distincti (hinc habitus fere Commelinæ, cui affine genus est).

Nectario omnino caret. *Corolla* color aqueus.

CAL. *Perianthium* triphyllum, erectum: *foliis* lineari-subulatis, dorso-carinatis, persistentibus, marcescentibus.

COR. *Petala* tria, linearia, acuta, membranacea, calycis longitudine, erecta, apice patula.

STAM. *Filamenta* tria, capillaria, corolla duplo longiora, erecta. *Anthera* subrotundæ.

PIST. *Germes* oblongum, compressum. *Stylus* capillaris, staminibus brevior. *Stigma* trifidum, patens. (*)

PER. *Capsula* oblonga, compressa, acuminata, utrinque sulco impresso, bilocularis, bivalvis: valvulis dissepimento oppositis.